

靈巖山人詩集

靈巖山人詩集目錄

第三十九卷 古今體詩

香艸吟

上章閣茂

白桃花

夢樓女孫玉燕以畫蘭便面見貽卽題一絕

晴川閣

武昌再晤蓬心太守追憶客冬湘江之游賦得

一律

天香堂前老桂十年不花今秋盛開賓館諸君

賦詩紀異亦成一絕

題吳白广石湖課耕圖五首

重光大淵獻

雪堂

快哉亭

竹樓

寒碧堂

月波樓

赤壁

橫江館

西塞山

飛雲洞

石門山尋元道州所刻石碣

寒谿

西山寺

松風閣

望夫石

恭和

御製題宋人布畫山水詩

應

制恭賦李廷珪古墨詩

六月八日絢霄舉一男名之曰鄂珠喜而有作
寓江陵劉氏園七月初三日紀所見一首

并序

七夕漢川舟中作

題雷雷峯檢討山居垂釣圖四首

雲巒表弟謁予武昌節署出其世傳清淇草堂
重臺桂畫卷索題撫今追昔不勝風木人琴之
感因成絕句五章聊寫先世之情好竚盼後起
之重榮亦風人長言不足之義至詩字之工拙
不及再計矣

題陳望之中丞寫照卽送之任黔陽

元默困敦

夢中製琴曲

鍾臺山桃花洞云是李北海讀書處石室尙存因

題壁間二首

蘋花溪

芙蓉山

荆泉洞

重登岳陽樓和香泉韻

夕波亭

柳毅祠

賈太傅祠

黃陵廟

桃源行

紅苗竹枝詞二十首

屏陵驛題壁

題智珠畫菊爲素溪大妹作二首

秋聲

雲棧圖

南樓奇峯圖

昭陽赤奮若

題陳葯洲中丞廬出觀瀑圖

集蘭亭褊帖字題劉純齋觀察寓園修褊圖

惜春詞

并序

題王給事文園顯會同年煉丹圖二首

題雲笈山房雙修圖爲夢樓作

題佩香女史秋鐙課女圖

和虬仙詩原韻

行年六十有四詩集編成因題長句並柬知音
再題一首

靈巖山人詩集卷三十九

鎮洋畢沅秋帆

一字
穠衡

香艸吟

上章闡茂

白桃花

眼底穠華逐曉風
嫵枝幻出玉玲瓏
光交珠箔明鐙外
香冷銀屏淺夢中
豔極人情趨雅素
春深物意厭繁紅
須知真色原天賦
漫泥形形訝化工

夢樓女孫玉燕以畫蘭便面見貽卽題一絕

沅湘曾記舊年游
兩岸寒泉咽不流
染翰欲題香草句
幽情遙寄一江秋

晴川閣

逝者如斯付幻泡拈花佛子向人嘲
天浮江漢雙流合地接龜蛇一氣交
塵跡市心聊蕩滌水光雲影儘容包
要恢奇境窮游目新構危亭出樹梢

武昌再晤蓬心太守追憶客冬湘江之游賦得一律

吟破瀟湘月同爲汗漫游煙霞共圖畫
小載半船秋獨往窺青壁重逢感白頭
至今襟袖上猶帶綠雲流

天香堂前老桂十年不花今秋盛開賓館諸君賦詩紀異亦成一絕

一徑濃香浥露新瓊樓悄恍記前因
姪娥今夕應相訝不

似當年入月人

題吳白广石湖課耕圖五首

橫塘斜溯越來溪屋後村前夾稻畦他日相思如訪我孤
帆更指洞庭西

耦耕宿約定何時歸岫雲蹤未可知待得著書多暇日笑
君驅犢我扶犁

五湖煙水去茫茫夢繞靈巖舊草堂山下墓田餘十頃近
聞輟耒已拋荒

冷節登高逐勝游行春橋畔夜停舟年來故舊凋零盡鐙
影山光感白頭

晷盡溪深結隱孤曉暖怨鶴若相呼靈扉悄鎖青霞外萬

樹梅花月一湖

重光大淵獻

雪堂

建武來黃州暫假雪堂榻維時天乍陰四面春雲合庭柯
高出檐雨打聲颯颯一片綠煙江盡向戶中納閒望思蕭
然風牕忽自闔

快哉亭

紅欄小石亭風景果清快湛湛春江流高座占一派只是
動吟懷詩債未了債乃悟善詩人皆由天所械何當屏筆
硯永與酒同戒

竹樓

今在黃岡
縣署內

昔讀元之記風物素欣羨今作齊安行竹樓快一見捲幔
對江山臨窗設筆硯寺鐘入座來煙帆隔城現最稱歲寒
時歌嘯餘清宴

寒碧堂

聞昔何氏家艸堂始新築東坡偶經過晤對歡情足自起
拈霜毫畫石復畫竹因以寒碧名瀟灑頗不俗未知今在
無試問黃州牧

月波樓

府西北
城上

西北有高樓縹緲俯林樾最宜三五夜海上生明月穆穆
流金波清涼沁心骨江天色不分疑坐神仙窟賞玩欲言
旋城頭鼓已歇

赤壁

水經名赤鼻山

鼓枻滌春流尋幽陟赤壁亭榭有餘清水天同一碧枕榻

斷雲根髯蘇留舊迹

上有巨石斷成牀枕云是東坡所造

小坐亦自佳雲林

景寂歷想見夜游時空江風月笛

橫江館

赤壁南

半舄憩津亭澄江綠如染萍灘置鴨欄蘆渚下魚園雲罅

漏斜陽浪花紅閃閃四空煙漸生隔樹峯將掩極浦上桅

鐙星明三五點

西塞山

煥風相引出閒行西塞山頭眺晚晴艸沒戰場紅有暈

孫策

擊黃祖劉裕攻桓元唐曹王阜復淮西皆於此

江流春水碧無情桃花明處煙村

靜楊柳陰邊釣艇輕盡日置身圖畫裏人生何必逐浮榮

飛雲洞

在回山唐元道州構亭讀書於此

回山幽秀世應稀聞說先賢此掩扉林際古亭惟鶴見洞前鎮日有雲飛土花蝕徑紅千點怪石含煙碧四圍未審遺書今在否令人閒竚思依依

石門山尋元道州所刻石碣

兩山各門高直上凌雲表砉然通一門仄徑羊腸繞乘興往探幽林臯眺春曉峯陰倒著人綠煙寒不小無名澗畔花碎語枝頭鳥聞有前代碑到處闕窳窳坡迴嶺復重倉卒殊難了悵望石林邊空亭風悄悄

寒谿

石勢高高下下谿聲暮暮朝朝桃花昨夜新雨紅過西山
寺橋

西山寺

晉陶侃
讀書處

石穿滴滴寒澗松帶層層碧山怪底不知有寺磬聲裏在
雲間

松風閣

在西山寺朱
黃山谷題

初疑江館春潮又認山房曉雨豈意松風閣前翠濤翻卻
今古

望夫石

武昌縣
北山

屹立煙嵐蒼翠間終年引領不知還天邊破鏡常飛起照
見遙空山上山

恭和

御製題宋人布畫山水詩

九百年來機上素琳琅

御筆快吟哦標題卷軸欣邀

賞組織丹青定不磨瀑水分流千尺迴水紋斜界一方過
從知韋布沾

恩重應附

西清備格多

應

制恭賦李廷珪古墨詩

紋如犀質如玉南唐墨官奚氏獨澄心珍製含貞姿松煤

一笏敬獻

天子供臨池綠雲浮紫光沍濡灑春郊霖雨布

祕殿潭潭漱六希三載賡喜起以雅以南

幾餘游藝賡作聖葆真于內萬物正龍香雲氣長迴旋我
皇養性壽萬年

六月八日絢霄舉一男名之曰鄂珠喜而有作

銀鐙吐藥曜文昌吉語喧傳說弄璋周甲老猶思著述添

丁人自祝康強崇蘭結子徵佳夢

時盆蘭盛開忽結子一枚

古桂萌芽

發異香

天香堂前老桂十年不開去秋復花同人作詩紀異

他日家傳詩派在燕詒

新帙在青箱

絢霄曾奉太夫人遺命選燕詒堂唐詩將次告成矣

寓江陵劉氏園七月初三日紀所見詩一首

并序

○七月三日予寓江陵劉氏園晚小憩池上之紫藤紅
樹書堂弦月初上微映波光見一三足金背蟾蜍形大
如盂從庭際歷階升堂跳躍前軒入予坐榻下急呼童
持燭遍視杳不可得四面紗幮畫障絕無與竅人人驚
訝聞蟾蜍爲月之精懷土隱形能工遁術按宣室志稱
爲天使亦仙家之靈物也今予目擊是異其形狀與古
圖中劉海仙所跨無異勿謂荒誕之說事之所必無也
爰作詩記之

江閣迎涼水拍天冰蟾入戶亦奇緣桂宮慣竊元霜藥桶
井曾藏太乙泉碧落迎秋窺客夢金光吐練閃吟箋玉芝
少讀神仙記可有嫦娥吉語傳

七夕漢川舟中作

人閒迢遞隔銀屏，巧果堆盤迓鳳輶。
碧落有情憐會合，紅閨無夢祝仙靈。
珠旛微逗金風信，羽扇遙開璧月形。
一水盈盈天漢遠，乘槎兩度看雙星。

去年七夕亦在漢江舟次

題雷雷峯檢討山居垂釣圖四首

碧柳陰深覆小舟，荷塘幾曲小亭幽。
心沈潭影非魚羨，只釣蛾眉月一鉤。

蓬萊回首記前塵，早息機心閱甘春。
勸子長竿好收拾，漫畱絲影駭潛鱗。

少擬天隨侶釣徒，五湖烟水隔模糊。
黏閒來枉作臨淵想，雨閣曾摹漁父圖。

予舊藏梅花道人漁父圖爲山房祕玩偶一展卷臨摹覺滿紙烟波浩淼頓增故鄉

思之

江帆風翦渺愁予予亦靈巖有敝廬尺一儻傳魚腹字梅
花深處故人居

雲濤表弟謁予武昌節院出其世傳清溪草堂重
臺桂畫卷索題撫今追昔不勝風木人琴之感
因成絕句五章聊寫先世之情好竚盼後起之
重榮亦風人長言不足之義至詩字之工拙不
及再計矣

惜別金閨又十年來尋黃鶴結清緣兩窗今夕談先世頭
白鐙前一惘然

累世親情古所稀每來葑水叩雙扉迴頭撰杖從游處庭

樹如今大幾圍

予童時常隨先君子息圖舅氏過清溪草堂

翠墨摩挲字字珠貞元老輩卷中呼青溪卽是西州路淒

絕黃公舊酒鑪

曾外祖張淞南先生少儀少由兩舅氏暨先師沈歸愚少宗伯卷中俱有題句贈公

表母舅及殿撰永齋大表弟近年復先後歸道山展圖益增愴惻

藥珠文字叶墳簾世澤長流卉木知試向明蟾問消息靈根重見茁孫枝

題陳望之中丞寫照卽送之任黔陽

嵩高山前紫芝客瀟灑胸饒經世策青史勛名數世家碧簫才調追詞伯冰綃神彩溢鬢眉彷彿香山獨立時書畫愛儲無上品松筠長抱出塵姿憶昔春明賡旣見瓊樹亭亭滿月面王夢樓宋小名場訂石交龔黃治績推邗彥飄零

宦海悵西東卅載塵蹤印雪鴻何意雙萍重會合相看絲
鬢各成翁同舟鄂渚剛三載鈴閣凝香對雨待講政惟求
風俗淳論心俱有冰襟在已夏巴江雪水融郢荆汨沒怒
濤中手迴洚洞狂瀾倒闔郡全資保障功金堤能靖蛟龍
氣鴻雁磬磬猶滿地積歉惟籌捍禦方屢豐旋告和甘被
驄馬今秋覲

玉京岩堯金掌露華清五雲深處叨前席裴楷

璿屏注姓名巖疆重寄須儒術崢嶸畫戟除重秩不僅文
昌可鎮邊早知定遠能籌筆鐵鹿牙檣艤碧灣賓僚未免
動離顏倏教霖雨移三楚應共春風到百蠻黃鶴樓頭醺
綠酒殷勤話別頻攜手試借仙人玉笛梅師當臨岐一枝

柳前去津亭夜欲分飛雲洞口望停雲黔靈銅鼓青山遠
明月蘆汀足雁羣

元默困敦

夢中製琴曲

神恬則寧心靜則靈縣旌搖搖萬慮紛攖定而后靜靜則
生明火伏丹鼎經課黃庭淬爾慧劍皎予智鐙明月湛湛
天風泠泠無聲聲聲無形形道還元始心游紫清

鍾臺山桃花洞云是李北海讀書處石室尙存因

題壁間二首

幽深厓下洞難究命名因不見桃花樹偏畱萬古春偶逢
載酒客時到拾樵人此是空山路誰來更問津

讀書人不見石室蘚斑斑惟有松梢月來明洞口山風微
今古在筆墨褚虞間若箇緣研究能於此閉關

蘋花溪

溪頭岩戶數弓寬傳說洪厓此鍊丹落日深林人不見青
青獨活長空壇

芙蓉山

沿坡仄徑草萋萋潑眼層霄翠黛濃嶂複巒遮堆衆皴簇
成一朶青芙蓉停輿忽發登臨思隔林應有煙中寺試向
花宮結淨緣他時添入名山記

荆泉洞

昔人曾入荆泉洞路曲景幽春蘚束須臾已出葛藤坪在

崇陽距蒲圻百餘里
回首蒼厓無寸縫
平居嘗讀洞冥記
仙區只在人間世
我思來此種瓊芝
借問石田容賃未
洞中有石田溝塍悉具居
民歲視其燥涇以驗豐歉

重登岳陽樓和香泉韻

吐納靈濤橫去聲八荒
鴻濛消息問蒼蒼
雙丸左右驚旋轉
萬古乘除入混茫
無計忘憂知樂少
有生不醉愛吟長
重來恐被仙翁哂
控鶴無緣返故鄉

夕波亭

螺亭三面瞰煙波
乘興尋詩撥櫂過
一折青山數株柳
鷗鵲聲裏客愁多

桺毅祠

一紙書傳橘樹傍
倏教龍戰起涇陽
當時早許良緣締
應免人間再悼亡

賈太傅祠

翠竹森森一徑偏
仰瞻祠宇思淒然
鬼神問枉虛前席
經濟才翻誤少年
小苑斷碑橫蔓草
香龕舊幔染煤煙
知君此處求同調
應覓靈均湘水邊

黃陵廟

碧瓦雕甍綠樹間
二妃祠宇畫闌關
林霞色認畱蓑帔
檐鐸聲疑響佩環
瑤瑟涼宵江渺渺
春篁終古淚斑斑
杜鵑聲裏斜陽暮
愁滿蒼梧九疊山

桃源行

桃花仙人家住桃花源
滄英服實成神仙
煙霏霧結深鎖
桃花洞洞扉一閉
不知世上浩劫
空推遷沅江春漲
粼粼碧紅雨千林塞
青壁但見桃花不見人
天外有天露一隙
捕魚人掉扁舟去
谷邃峯盤是何處
塵寰岐路總茫茫
到來豈獨漁郎誤
誤入仙源境不窮
煙邨景色羲皇同
鳥哢人語斜陽外
雨笠雲犁罨畫中
嵐光翠拭明如黛
世界滄桑在其內
冠服猶存太古風
盤滄仍設田家菜
兔烏物外各奔飛
鷄犬雲中自鳴吠
只道阿房餘燼至今存
邗知彈指六百餘年
頻易代或是築城通
遁之遺民否則阮餘
窮儒之流輩不然商
山綺皓之隱碩不然
紫柏赤松之逸態
仙乎仙乎余不得而知
亦如蓬瀛五城十二
樓天風引去

雲濤縹緲知何在曩持畫戟鎮三秦終南太華時游巡看
遍紅霞一千里避地何處無秦人古洞雲封松爲身而鶴
同壽藥鑪丹井旁跌坐童顏穉齒不老之仙真問年恰忘
幾甲子一任花開花謝空千春可笑痴愚白帝子採藥船
迴身已死列仙如麻在眼前武陵洞天母乃是客來題壁
兩度看雲山遇仙橋邊仙人一去不再還花逐春風吹片
片長隨流水到人閒

紅苗竹枝詞二十首

酉陽東向接瀘溪洞壑陰森複嶂迷盡日風聲屯苦竹哀
蛩嘯罷子規嘯

立寨分曹各自雄隨身到處挾刀弓一般積習成風俗長

帶纏腰照眼紅

其俗衣帶尚紅故曰紅苗

白版紅泥築火牀
晝炊旣好夜眠良
自來未省營欄柵
人畜同居一草房

項圈臂釧爛生光
椎髻銀簪徑尺長
不是連環銜兩耳
雌

雄何處辨鴛鴦

苗人皆椎髻去髭鬚手釧項圈裝飾與婦女同惟婦女兩耳貫銀環三四枚爲異耳

相約來朝往趁墟
大家夜半起裝梳
成羣笑語出邨去
猶

是前山月落初

歸來喜色動眉尖
匹布街頭換白鹽
徧給同羣爭舐掌
絕

勝厓蜜十分恬

得鹽皆撮置掌中舐之不知用以調味

榕陰滿地綠子苔
曉出燒畬晚未回
正是炎方好時節
杜

鵲聲裏杜鵑開

桑葉青青月正三
煙房也解飼春蠶
只餘畱種銀光紙
輸

與吳孃獨自諳

苗婦知蠶繅不知育種歲歲以土物向市人易之

妝歛親自荷盈肩
新婦徒行率衆先
三日翁姑猶未熟打

門間說索孃錢

婚期新婦步行自檐雨傘竹籠等物先行親屬送至夫家三日後母索婿家財物名

錢日孃

山上青松挂碧蘿
山前郎和女兒歌
韶光九十長無雨天

遣春晴分外多

苗俗男女以歌角勝負有私父母不禁名曰放野

采薪處處野花紅
窮袴猶拋況守宮
那有人言中葺事爺

孃視等馬牛風

苗女不著中衣

妙選童男暨小姑
對敲長鼓博歡娛
踏歌且作迴風舞勝

倚花前聽鷓鴣

刻長木虛其中蒙牛皮爲鼓擇男女之美而善歌者左右擊以節歌舞疾徐中節名

日跳鼓

彩棚花柱綴青帘矛刃如霜次第拈遞刺黃牛覘仆處吉

凶可代六壬占

十月農功畢結棚立花柱縛牛其間長幼遞以槍刺視牛仆首所向何方以卜來歲

豐歉

清和天氣上墳時剪紙爲錢挂樹枝待得三年情義了任

他窺窰穴狐狸

親死掘地三四尺上下四旁鑲以木板置屍其中以土封之三日割牲覆土次年二

月莫以牲楮三年不復過問矣

常云病是鬼挪揄撿鑼鼓喧闐跳女巫收得祭餘人不食亂

拋門外飼神鳥

苗畏鬼病不服藥惟延女巫祈禳各曰作鬼

睚眦微嫌詎足讐隨身卽自佩吳鉤更番報復恆輕死九

世仍疑未必休

諺云苗人讐九世休

岌業層岡萬仞高披荆踐棘捷如猱忽然身作車輪轉落

地何曾損一毫

苗男女健捷如飛危厓峭壁之上縮身如蝟呼吸至地毫無損傷名爲滾坡

聞昔苗氓恃負嶠公然劫掠類荏苒

先皇無事三旬伐已取巖疆入版圖

康熙三十八年攻陷官兵尙書席爾達平

定之

男耕女織耐艱辛歲歲花前宴賞頻天遣生來羣土著不

知世有別離人

男耕女織頗任勤苦家世上著不改遠行

聖明文教極休明漸染頑苗俗盡更黑箐綠榕紅石峒人

家多少讀書聲

歸化以來頗知法度其苗童之良秀者亦讀

書以名列贊序爲榮

孱陵驛題壁

破砌蟲吟攪夢思
楚天如晦雨愁時
秋風嫋嫋秋波濶
手采芙蓉欲贈誰

題智珠畫菊爲素溪大妹作

碧落涼生玉露浮
鄉思迢隔十三秋
今宵鄂渚重相聚
一穗寒香兩白頭

蓮汀畫學傲南田
風物柴桑看儼然
不爲東籬添逸興
傲霜高節晚逾堅

秋聲

入耳無端暗欲驚
金商氣候已潛更
偶然著物非膠物
未必關情總惹情
寂境每從喧處得
聞根轉向靜中生
課虛參透人天籟
莫遣悲懷擾夢清

雲棧圖 并序

蕉園先生少工丹青爲吾鄉王麓臺司農高弟今觀
所製雲棧圖奇峯絕澗鳥道千盤筆力直追黃鶴憶
余昔撫秦時方用兵金川數數往還連雲棧中年來
鳳嶺鷄關恆形夢想展閱斯圖舊游如昨千山萬疊
翠屏近在睂睫間耳

長官涉筆紀游蹤縣棧盤空樹霧濃愛殺危樓堪送目歷
欄萬仞翠芙蓉

疊嶂重雲互吐吞崇朝無雨亦昏昏箇中大有詩情在一
路緩聲出劍門

南棧奇峯圖

烏道蟠空劒門蟠聲不斷雪嶺幾家深羨居人緣塞門庭
嶂影

丹墮盤雲烏道青帘賣酒人家可惜圖成十月當壚不寫
桃花

昭陽赤奮若

題陳葯洲中丞廬山觀瀑圖

九疊屏風倚天半飛流萬丈挂銀漢穿雲洩霧落人間飄
緲天風吹不斷若有人兮延佇山之阿松間笠屐彷彿模
東坡展圖看君君看瀑適是我友葯洲中丞獨立長吟哦
羨公移節去與匡君作賓主雲中五老亦偕部民來鼓舞
棲賢開先新授湯沐邑身騎玉龍沾灑西江作霖雨香山

草堂記太白廬山吟賺予神游匪自今今觀蓬心王子寫
此圖巖間經營十笏石磐陀他年竢我歸山浪游五嶽日
青鞵布韞徜徉白鹿洞外屬君放筆重添吾或云封圻重
臣司民莫不應貌公著邱壑世人拘墟慣被官束縛山高
水長景行前哲今如昨泉是在山泉公是出山泉在山出
山同一源潔清本性全其天洗我之心悅我顏觀公所圖
應作如是觀

集蘭亭禊帖字題劉純齋觀察寓園修禊圖

清遊春已云暮盛會在山之陰其地可觴可詠斯人不古
不今風和水流蘭氣情契賢似竹林暫坐暢懷娛樂隨將
禊敘同臨

惜春詞 有序

絢霄有侍女小字迎春性嫺慧明潔甘習勞苦每日
清晨手持巾帚焚香掃地房中鏡臺衣桁書几琴牀
淨無纖塵舉動能得主人歡心今春忽病肺疾疾已
劇索香水沐浴浴畢而逝絢霄哭之慟至損寢食念
芳草之易凋感空花之不實因作惜春詞以慰之
一牀短夢不多時繡被香溫憶所思曉起傷聞無賴甚五
更風雨損花枝

衣香人影去怱怱寂寞雕梁燕語空深院夕陽青艸色更
無履跡印殘紅

花信風吹過幾巡芳情艸艸負良辰亂鶯嘯破繁華夢不

信迎春又送春

寶篋收殘舊縷衣
釵紋扇影是耶非
春歸消息知無處
賸有西園彩蝶飛

名齊芍藥倚風前
人似花光瘦可憐
月冷花魂迷去路
繡窗花影伴嬋娟

絢霄和作

聯日幾無痛定時
撩人事事總堪思
膽瓶石竹花纔放
猶是生前手插枝

開時艸艸落恩恩
每歎春花色易空
何事深閨年少婢
也如暫逗小桃紅

畫廊小步又逡巡
驀地傷心憶昨辰
鸚鵡不知人已逝

隔簾猶自喚迎春

朝開妝鏡夜薰衣除爾安排事總非
正自躊躇難料理
新詞怕聽惜分飛

蘭缸凝碧畫屏前剛畧忘懷忽又憐
一種淒清涼夜景
紅蕉橫月影娟娟

題王給事文園顯會同年煉丹圖二首

棹頭歸臥涖湖邊脫屣簪纓二十年
底事蓬萊去採藥
眼中人卽是神仙

控鶴排風訪赤松落花滿地洞門封
他年法伴如尋我
三閣雲深一萬重

題雲笈山房雙修圖爲夢樓作

岫列雙眉翠色齊小庵新結萬峯西
淨修畱得精魂在仍向三生石上栖

並命迦陵並命身長明鐙底證前
因雲濤滌蕩靈根出兩點金焦兩玉人

題佩香女史秋鐙課女圖

碧梧脫葉風攪蕉林清吟泠泠雛鳳嬌
音石橋西畔霜露已深一庭秋意一世秋心

清門淑女蘭心蕙質鴛鴦于飛驚喪其匹
瓊枝凋殘撤我錦瑟寂寞空階候蟲弔月

歿者已矣生者奚恃中郎有女辦香賴此
更長夢短攤書棐几瓦檠一炷光小于米

弱息扶牀蟾蜍泣視謝庭風調不矜拈線夜深鬼影幢幢
隱見倦起推窗涼雲一片

鏡黯芙蓉匳消翡翠落紙明珠字字如意竹西明月不照
冷地篋有奇書當我鼓吹

隨園詩老曾侍春風金針暗度付託女宗寥天籟寂韻叶
孤鴻寒泉幽草聊伴吟蹤

石堂陰陰繞欄花竹廉吏貽謀數椽老屋繡辦朝餐詩程
宵讀鵬淚唬紅鬼燐翳綠

我友夢樓以禪爲詩示廣長舌玉臺師之不可思議傳鐙
在茲迦陵一聲青蓮一枝

僕少孤露志學窮年慈闈授詩罔極終天展圖振解卷圖

泣然白髮青鐙宛在眼前予年十五學詩于先母張太夫人曾繪慈闈授詩圖今閱此卷益增悲感回首已五十年今手編集成痛我母之不及見也

和凡仙詩原韻

蟠桃熟後又千秋小謫紅塵也好修曾記排風驂鶴背空
慚捧日占龍頭青山有主南瞻嶽碧海無情東逝流欲問
迷津知未遠前生名隸鳳麟洲

小隱靈巖憶故鄉詩篇節鉞境茫茫幻空蒼狗雲千態門
穴元駒夢一場情網破殘濡劒刃仙機悟徹慕羹牆談真
同侍瑤壇席數點梅花一寸香

附仙壇原唱

陽春德澤史陽秋間世鍾靈夙世修一代文成五鳳手

三生緣證百花頭荆衡巨鎮雄南服江漢朝宗納細流
更羨公門桃李盛後先樽俎繼弁洲

認得靈臺是故鄉人天風月兩茫茫未忘兒女英雄態
別有神仙富貴場試看函關來紫氣漫愁銀漢隔紅牆
信心憑仗堅如鐵記取瑤壇一瓣香

行年六十有四詩集編成因題長句並柬知音

陶鑄江山洩秘奇新編四十九年詩行藏局本天爲定得
失心還我自知任笑簿惟供點鬼從嘲符但足諍癡興酣
嘯傲風生處不藉江淹筆一枝

觸處關心放浪吟髫年積習老深沈一官廿載兼河嶽萬
卷三餘列古今境漸佳猶餐蔗尾思無盡等剝蕉心辛勤

致竟成何事虛牝應憐自擲金

鳳脰鐙前老眼揩吟成七字費安排馬遲枚速誰爭長燕
瘦環肥本並佳爛漫鸞花呈幻象卷舒雲靄絢幽懷終南
翠色清湘影收拾靈奇貯冷齋

綺語仍嫌未掃除一編相對意何如顰非西子將誰效狂
比東方且自譽仙佛功同參靜妙人天籟總出空虛吮毫
日坐秋聲裏明月窺窗笑起予

再題一首

并序

予少角就傳在家塾殘書中得唐六如居士畫譜一
冊課經稍暇搦筆樸倣學爲山水父師見之亦弗禁
也行年十五先太夫人教之學詩云詩之爲道體接

風騷義通經史非冥心孤詣惟悴專壹數十年不能
工也敬遵慈訓因舍畫而專攻詩今忽忽花甲已周
矣頭白目眊老境漸逼搜篋中賸稿編成靈巖山人
集三十九卷又聯句一卷共四十卷雖不能盡合風
雅之旨而刻楮鏤冰此中亦頗費苦心畧開面目恨
我母見背已閱一紀不及見是集之編成追企徽形
曷勝痛感竊忖過此以往精力日衰思致孱弱恐不
能再有進境且仔肩艱鉅時凜鼎占覆餗之戒不敢
復耽吟詠而政閒公退末也消遣煩襟因仍整粉奩
墨篋重理丹青時寫倪黃小幅聊以自娛心同見獵
賢比弈棋以了此方來之歲月已耳至此後或偶有

小詩亦不過如香山歸洛以後觸景抒情託之水流
花放不能再刻意求工爰續編一集爲繪聲漫稿而
系以詩

過去年華記不真須知後果卽前因且拋風月雕鐫手
作煙雲供養身未必名山容置我終思文苑列傳人忙編
詩集閒臨畫隨意看花占幾春

太倉門人陸模孫編校

靈巖山人詩集目錄

第四十卷 古今體詩

繪聲漫稿

闕逢攝提格

元日偶書二首

人日書懷二首

試鐙夜偶作

上元觀鐙漫興二首

春雪未霽諸同人連日宴賞因有是作

閒坐

勸農歸後有作

清涼寺

寓應山行館寄家人

甲寅暮春道經保陽宿蓮花池有感得長律四
首呈梁構亭制府並示余介夫兼寄張吾山
恭和

御製賜詩原韻

題蓬心所畫終葵便面

賦得荆門倒屈宋

得章字

題浣青女弟秋山訪菊圖

襄陽行館寄懷綸霄

海岱驂鸞集

由襄陽之濟南道中雜書寄別王太守蓬心兼
示幕中諸友

重過邯鄲呂祖祠題壁二首

抵署後喜園中臺榭亭幽水深樹古雖冬物荒
寒已足引人入勝斐然有作用貽在幕諸君

酌笑泉

華不注

舜祠

歷山

大明湖

題大明寺壁

歷下亭宴會詩分得醒字

水香亭

錦雲川

冬暮之東昌勘卹被溺災區途中觸景雜書十
首兼示僚屬

紫微山

綠雲樓

望嶽樓

秀林亭

永壽寺

魯連臺

弦歌臺

歸途值雪雜書六首

行次接絢霄雪中見懷之作因次韻荅之兼寄

琴心

關里

孟子祠

伏生祠

南池

積雪旣霽殘月初升攜家人泛舟於園池醉後

作歌以記幽賞

紀夢詩

并序

靈巖山人詩集卷四十

鎮洋畢沅秋帆

一字
穰齋

繪聲漫稿

闕逢攝提格

元日偶書二首

盈城爆竹響如雷五鼓

瓊宮賀歲同喜見春光潛透漏玉梅官閣一枝開

紅箋到處貼宜春錦幔華筵事事新莫怪後持婪尾琰今

朝六十五年人

人日書懷二首

新正七日喜春晴令節持觴倍有情自顧此身無所負究

將何術慰蒼生

連朝且喜簿書閒
鈴閣風清掩獸環
江硯宣豪湘竹几
去年詩藁手親刪

試鐙夜偶作

今宵喜屆試鐙期
繡榻花屏掩料絲
絳蠟高低紅燄煥
膽瓶烘綻玉梅枝

上元觀鐙漫興二首

到處鐙光奪月華
滿城簫鼓逞誼譁
褰簾獨凭高樓望
髣髴春星落萬家

玉燭調由錫昊穹
使君慙愧有何功
頻年四境豐登象
卻盡秧歌一曲中

春雪未霽諸同人連日宴賞因有是作

賓從雍容宴賞頻連宵江郭雪如銀若教授簡成新賦應
令鄒枚託後塵

閒坐

二月初旬晝稍長池冰漸坼艸猶黃衙齋習靜垂簾坐數
點瓶花落筆牀

勸農歸後有作

春鳩呼雨復呼晴爲勸農桑出郭行忽憶婁江江水上沙
田二頃倩人耕

清涼寺

爛漫山桃絢好春僧窗小憩亦前因淨瓶甘露無多水難

療風塵內熱人

寓應山行館寄家人

玉笛聲中徹綺筵臨岐兒女總衣牽豔陽景美饒良會歡
喜心生得善緣多病多愁榮客夢宜晴宜雨釀花天先期
笑話鐙光共只看明蟾兩度圓

甲寅暮春道經保陽宿蓮花池有感得長律四首

呈梁構亭制府並示余介夫兼寄張吾山

金碧林亭敞絳帷太行晴翠漫芳池源分半畝名泉派地

勝京畿首善規東閣龍眠懷舊德

謂方問庭制府

西銘虎席拜經

師院長張鳳

難忘春暮朱藤放扶杖花陰講易時

書閣臨流碕岸邊巢痕重認舊平泉竹君款我迎風揖石

丈延賓掃月眠四十年溫醒後夢萬千境闕幻中緣此閒
振觸滄桑感欲問鴛花意惘然

閱世蒼茫記不眞眼前事事總前塵清緣夙契松泉石游
迹曾周楚豫秦吟伴半歸點鬼簿笛聲偏咽看花辰園中
老鶴休相訝賸有當年慘綠人

雲封洞壑鏡虹橫布置多由人巧成此地別來曾四至

丙申歲撫陝時入

觀周制府雪堂先生生館予園中後乙巳辛亥及今春四次
入都皆停他年石上證三生館餐眞有如歸樂魚鳥俱含
感舊情情信宿邗能無戀戀夜游秉燭到深更

恭和

御製賜詩原韻

述職欣逢

展義日其咨豐事盼康哉自惟負疚孤

殊澤仰荷

矜全愧薄材左輔茅檐資補助春郊

翠輦喬追陪

披衣五夜勤民意靈雨宵零理可推

題蓬心所畫終葵便面

蒲酒香醪酌瓦杯石榴花底拜奇才三尸膽落么魔遁一
劍風猙生面開天錫聰明根正直自專威福免疑猜憑君
飽食貪饕鬼洗出清寧景色來

賦得荆門倒屈宋

得章字

楚望驂黃鶴荆門樹色蒼江山歸麗藻師弟擅騷場只合
心香拜翻疑學步忙靈詞開百代芳艸夢三湘意折窮攀
援情遙託杳茫慕思悲逐客奇豔壓詩狂紉佩憐山鬼招
魂纈錦章謫仙才絕世也企好修常

題浣青女弟秋山訪菊圖

翠石紅闌風露幽尹邢夙世證雙修生來多慧兼多福鴻
案看花到白頭

楚楚花姿爲寫真獨標冷豔傲霜辰也應竹密松深處著
箇青衣送酒人

謝庭小小挹清芬廿載萍心幾合分漫泥東籬好秋色瑤
田芝艸已如雲

翔鶴堂空鎖暮煙記曾醉倒菊枝前左嬌卷裏尋三徑感

舊吟秋一泣然

文敏公官少司寇時居宣南坊之翔鶴堂余寓在聽雨樓望衡對宇晨夕過從每屆

深秋冷節必約同人置酒賞菊賦詩讀畫酒酣後
僧寫折枝墨菊以贈今展此圖悵惘烏能已已

襄陽行館寄懷絢霄

丹桂花前記送行拍天風浪夢魂驚我思卿識卿思我千

里秋江共月明

潯陽君去我襄陽兩地相思一夜長付與南鴻傳錦字蓬

山珠樹待雙翔

海岱驂鸞集

由襄陽之濟南道中雜書寄別王太守蓬心兼示

幕中諸友

詔赴東方有定期凌晨欲發尙遲遲鹿門山色魚梁月自
顧能無去後思

羊公德政我何堪行後難邀呈巷談惟有耽書深入癖生
平不減杜征南

賓鴻南去背征輶邨徑霜凝曉未銷風景宛然歸舊里荒
林寒岫虎山橋

平疇盡處路三义古戍樓高襯落霞一幅河陽邨暮景鵲
巢枯樹帶人家

爾畱我去兩神傷墨妙叨貽緊弄藏無際水雲擔不易使

君行李有瀟湘

蓬心貽余瀟湘入景畫
冊時貯行篋未曾暫離

不獨泉推酌突奇古亭脩竹豔當時多君海岱清光裏增

得登臨幾許詩

王藕夫王石亭史赤霞張映山諸君先時已抵濟南節院

重過邯鄲呂祖祠題壁二首

輾轉征車充疾雷蒼茫人海事難猜可憐邨落閒雞犬也
被仙家驅遣來

碧落蒼梧隔萬山千年鶴去幾時還紅塵壓破春人夢何
苦雲游到此閒

抵署後喜園中臺榭亭幽水深樹古雖冬物荒寒
已足引人入勝斐然有作用貽在幕諸君

斯園兼秀野不異向郊垌水色涵天碧雲根拔地青到來
循曲榭幽處有虛亭海鶴知何在沙汀褪數翎

簞簞千萬个中有小琴齋竟日無人到閒階落葉薶風棉

渾不掩石几那勞指卽此荒寒景經行亦自佳

勝境絕塵氛幽尋愜見聞松聲晴詐雨水氣煥蒸雲苔嶼
鷗成隊莎坪鹿有羣翛然林壑際吏隱又何分

不乏鄒枚侶來過卽嬾歸樓臺全勝畫魚鳥其忘機香閣
琴三疊茶寮石四圍記游應有作彩筆莫停揮

酌突泉

嘗聞水所趨走下乃其性赴壑復朝宗一氣猶奔命或因
石角激回撼盤渦勁或因風力搏直立浪頭礮未見平野
閒奮涌莫能禁仰射白羽箭千鈞弩堅硬明珠百萬斛玃
礫凌空迸玉虹破地起觔觔頭亂闖沫濺瀾翻處浩汭成
巨浸雲影與天光蕩瀟看難定只疑黃泉底炎炎陰火盛

致令清冷淵騰沸聲喧競有似萬松風翠濤滿清聽潏洄
數里餘始克平若鏡湫澱拍沙碕淪漪縈蘚磴汎汎鳬鷺
游蒼蒼葭莢蔭倚邨小橋橫向郭紅亭映名泉七十二
名泉七十二
以此泉爲勝真以斯爲勝深我濯纓情動人鼓楫興天然
佳畫圖率爾還題詠

華不注

虎牙傑立勢磅礴暘遐瞻無不可亭亭秀拔如芙蓉天
半青蒼呈一朶時當冬仲霜霰凝木葉盡脫石氣清冷泉
涵涵風颯颯艸枯徑僻稀人行雲聯海岱望無盡萬點歸
鴉橫布陣因憶齊師敗績時曳兵棄甲逃強晉憑高弔古
久低徊謫仙去後我重來茫茫往事無從問落日寒煙滿

綠苔

舜祠

松檜陰森簇古祠，偶停輿從讀遺碑。
巍巍帝德恆行耳，寧事矜夸怪異爲。
象鳥耕芸無足取，垂衣南面空今古。
蛛網靈幃蘚蝕牆，荒荒斜照暉塵鼓。

歷山

今名千佛山或云乃仙級謫音

聞有仙板山幽深，隱蘭若爰令減騶從。
肩輿出南郭時已季冬，初尙欠雨雪。
作曲徑盤峰腰，臥枿代孤杓。
誰將應真形，石壁亂彫鑿。
小大難悉數，慈祥雜猛惡。
佛法貴虛無，寧用色相著。
枯禪迎問訊，導余陟層閣。
縱目褰重帷，一窗占岩壑。
無復潺潺聲，古澗寒來涸。
上立千年藤，長根石面絡。

蜿蜒類蒼虬伸爪肆拏攫小童支甌鑪芳茗坐待瀹時於
籬角閒添火埽隕穽青煙裊一縷驚起松磴鶴自慨羈簪
組久負林泉約儻遂歸故廬詎乏耕漁樂興盡拂衣去檐
牙啁噉雀出門還引領赤日向西落一點朱沙丸走下黑
雲腳

大明湖

千頃晴湖光灩澦到來一望平於簞霜重風寒宿靄消盈
盈淡綠疑新染皎皛天容影倒涵玻瓈作底無纖玷日輪
卓午來當空冷浸火珠紅一點惜交冬暮景蕭疏未見白
蓮兼翠芙蓉浪花無際忽聞聲騰起長魚金閃閃石亭游目
久憑闌歸弄煙波興未減何日吳淞江上居漁莊門帶涼

雲掩

題大明寺壁

清鐘數杵隔林間
寶所莊嚴絕點氛
欲閱昔時開士傳
得披前代舊碑文
飛回松院蓬瀛鶴
吹落經堂岱嶽雲
偶爾記游思
著句水亭坐久日將曛

歷下亭宴會詩分得醒字

濟南逢令序
海右有名亭
特挈壺觴去
還邀賓從停
湖寒波愈白
山霽靄猶青
濁酒判千石
新詞演小伶
遙懷北海宴
姓字尙芳馨
復誦少陵句
風檝見典型
昔人俱已往
我輩豈宜醒
隸事拈丹橘
藏鈞隱畫屏
觥籌重疊數
蠟淚再三零
歸路沈纖月
寒芒幾箇星

水香亭

水解生香自足誇凭欄疑是泛仙槎
白蘋紅藕秋風裏吹徹清芬入浪花

錦雲川

日華霞彩映晴川潏潏波光奪目妍
試喚烏篷乘興去一篙撐上水中天

冬暮之東昌勘郵被溺災區途中觸景雜書十首
兼示僚屬

披星稅駕出重城街櫛猶聞鉦始鳴
風緊霜寒遑敢避萬家縣釜不聊生

海日初升霧漸收朔風高揭角聲流
一行驚雁斜飛處樹

杪旗紅露戍樓

一陣濃香破峭寒肩輿自揭煥簾看蠟梅滿樹敲籬角物
候驚心歲欲闌

沙白茅黃路正賒冬殘容易日西斜山邨盡處平田外萬
點疏林噪雪雅

行館停驂月落時茶甘飯輒孰支持使君豈暇求安飽方
念哀鴻集澤詩

飛檐隔樹語風鈴傳語前驅騎暫停恐有昔人遺迹在自
巡甌塔覓碑銘

邨邨亭午斲炊煙滿目荒寒劇可憐雞犬無聲人絕迹瀾
漫白水拍平田

雲庵先生詩集卷四
水患真無策可紓徧諮疾苦久停車從今擬向虛齋裏細
究河渠太史書

廩頒菽粟帑頒金出入須防蠹役侵可識

九重金殿上溺飢由已正縈心

口糧徧給鮮徧頗佇見耆民鼓腹歌只在

聖皇傳一敕橫流全化作

恩波

紫微山

今名西山

凌寒亦登山羣言境幽隋長風吹枯桑如鬼相叫嘯不知
有茅篷清磬若傳召岩壑兩爭奇孤亭扼其要磐石橫松
根酷與獅形肖怪來古澗澗雲凍寒泉竅朽枿剛倒垂尙

認舟指舵寓目皆畫圖會心悉詩料所以愛游人山水句
多妙近地且如斯別更升海嶠行將陟丹崖累日暢吟眺
只緣簪組羈塵鞅未能掉不爾一葉舟去傍扶桑釣笑語
任公子千春有同調

綠雲樓

在東昌府城西北隅

西北有高樓嵒巖擢天半闢牖納青徐舉手捫星漢每值
客宴游蒼然與目謀千章喬木萬竿竹森森擁翠欄杆頭
風吹岱岳晴嵐入唵藹共化春雲流惜我來當歲寒節把
酒臨窗光景別天公有意換新圖座前堆滿林巒雪

望嶽樓

莫言此地紅樓小一牖遙吞全嶽了朝挹霞光夕挹嵐曲

欄不厭千回繞壯游歷徧華嵩衡涉澗捫厓得得行踏破
登山幾緇屐泉幽石怪胥題名獨茲未詣殊堪惜峰棱礙
日穿雲碧指筇僮去定非難隔座分明無咫尺磨

命東來詎偶然爲山作主亦前緣一卮醇與山相約訪爾
梅花未落前生平未是貪游者聊藉登臨寄陶寫預憶長
吟日觀顛舒眸一覽小天下

秀林亭

但聞勝地便追攀何況亭林咫尺間竹石幽于蕭氏宅雪
雲濃效米家山無官竟擬長年住適興聊儉片刻閑到處
淹留貪著句吏民應笑使君頑

永壽寺

遙瞻窳堵波縹緲凌空插似此大河濱誰修清淨業今秋水汎濫不遭龍漢劫詎非象教力果具無礙法山門黏渚萍戒臺生石蚰吉祥卍字佛殘受危牆壓紛紜衆緇徒版築執畚鍤可憐屈窮冬正苦樵薪乏無處覓齋糧蘆灘掘蓼甲經堂老尊宿手掄念珠招導我觀舍利龕鎖玳瑁匣客堂畱信宿指授治隄壩

王事有程期未遑閱梵夾入夜羣動息惟聞浪呀呬壁鏗燄青熒孤枕膽恒怯朔風吹雪珠打窗聲霎霎

魯連臺

信矣布衣大力能詘帝秦千金等粒芥一箭靖煙塵長笑拂衣去滄海渺無垠我來登古臺俯仰懷斯人高節與岱

嶽萬古相嶙峋

弦歌臺

勘災臨古邑臺識昔賢名爲政資文學千春說武城割雞
憑器利偃艸見風行迄今化未泯比屋讀書聲惜值衝波
後惟聞鴻鴈鳴

歸途值雪雜書六首

一夜瓊瑩尺五深蝗消土潤抵甘霖莫言徹骨寒難耐中
有千邨慶翫心

極目遙遙白接天無端振觸一淒然瑤林瑤圃銀灣畔舊
夢依稀卅載前

犬牙山勢路紆回種棗人家枕澗隈不是挾香風一陣誰

知籬落早梅開

茅店當檐酒幔飄數家邨落帶山橋脩篁空有凌雲致个
个低頭學折腰

小小叢祠土壁紅谿山疑對畫圖中橋頭沙角枯楊底一
縷炊煙罨釣篷

遙憐兒女小寧馨擬絮溥獅戲廣庭豈省老人于役處風
酸泥滑短長亭

行次接絢霄雪中見懷之作因次韻荅之兼寄琴

心時琴心歸寧吳下

滿庭積雪峭寒添應有清詞擬擦鹽遙識助君詩興處膽
瓶梅蕊褪紅尖

寄來字字抵珠排憐我衝寒未放懷燒燭計程須鄭重莫
教敲斲紫璫釵

鵲語銓花未足憑勞君望遠日頻仍暮天高處寒尤緊莫
凭紅樓最上層

去冬煮雪助閒談促坐琳房影共三今日別離當歲晚客
亭孤枕夢江南

闕里

移鎮於茲樂莫支聖門惟恐到來遲特衝海右殘年雪走
謁山東萬世師問路適經洙泗水巡廊先讀漢唐碑櫺星
門下低回立不禁忤然有所思

栖栖惟冀振墮綱此意終難語楚狂坐奠兩楹悲夙夢承

家三命凜循牆聲名累代欽
蠻貊廉陛趨風拜帝王曾習
猗蘭琴一曲指端猶帶古時香

未審蒼蒼特降神令當茲世
究何因儘燭虞夏商周祀終
作東西南北人匪兇胡爲來
莽蒼獲麟難免暗酸辛後時
取法多王者木鐸長縣道益伸

讀書我亦及門班今獲升堂
益解顏天下莫能容大道世
人長自仰高山檜枝尙帶寒
雲綠硯石猶含舊墨斑謹矚
几筵懷啟處似聆弦誦有無閒

孟子祠

石徑滑寒苔周垣土半墮
菌釘香案朽龜坼拜輒開
幼秉慈親訓虛生名世才
一僧司啟閉庭隙種雲臺

處士多橫議時君務詭謀先生施隻手砥柱障中流嘗讀
七篇作真堪十哲侔平生專向往未審庶幾不

伏生祠

森森翠柏蔭荒祠白板扉聯鹿眼籬歲暮絕無人汎埽帶
霜紅葉滿庭墀

竊經不被秦院禍遺老天畱待漢文細數儒林全傳內有
誰福壽得如君

簡冊全因兵燹空傳經惟仗口相通典謨訓誥能無泯誰
念深閨一女功

南池

上有唐杜拾遺石像

偶作南池游浪花一片白遠港彎環通寒流四五尺亂搖

日影碎倒浸天光碧古樹葉全凋幽蹊苔漸積沙觜遺鸛
毛水面露魚脊時當農務閒始識田家適爰憩小紅亭復
訪前賢迹翠珉堅且瑩遺像修而瘠洗馬鳴蟬句宛見陶
謝格泉石自清幽風景異曩昔顧余筮仕來慨心爲形役
崇朝整冠帶于世鮮埤諠深羨小橋傍數椽煙波宅曲曲
亞字欄疊疊雲根石悠然情爲移不覺日之夕微茫暮靄
中白鷗飛一隻

積雪旣霽殘月初升攜家人泛舟於園池醉後作
歌以記幽賞

歲旣暮務稍寧風漸止雪亦停起揭重幙流盼南榮爰躡
蠟屐園中獨行曲徑盡失東扉難扃脩篁腰折儼若相迎

裴裒四顧萬籟無聲天地一色白雲英英少焉皓月飛出
東瀛上下光彩交射空明徧視羣物無影有形心在水精
域身來不夜城奇觀異景真移我情寒潭百頃盪漾澄清
爰命舟子汎埽花舫悉召眷屬來玩瓊蕊徐移桂楫盡啟
朱櫺披王恭之鶴氅攜景山之酒鎗迺命侍者擘阮吹笙
拍張而舞擊節歌成歌曰今夕何夕兮泛艇仙津銀雲爲
岸兮玉沙無垠瑤圃在望兮珠樹長新竟爾移家兮永託
芳鄰載歌曰天花競放兮萬樹呈春玉宇瓊樓兮絕罕纖
塵顧影自問兮汝果何人如來後身兮明月前身

紀夢詩

并序

十二月二十五日夜半方寐夢游一山棟宇華麗有

石閣顏曰蓬萊閣壁間摩窠大書暮騎紫鯨去海氣
侵肌涼龍子喜變化化作梅花妝二十字覺而憶爲
李太白上清寶鼎詩中之句無想無因忽現此夢未
審異時有驗否也爰賦長句以記其異卽次太白原
作二章韻

晚霽雪未消一歲臘將盡憶從筮仕來老與時爭進心力
漸不支年去古稀近自古皆有死誰知身後墳故余築生
壙令在梅花邨冀屆陽春日香沁詩人魂魄逐雙翠羽飄
然凌崑崙絕頂出雲表碧天應可捫

妄想百端集回首終茫茫生前樹勲業身後畱文章何如
昨宵夢獨跨青鸞翔天風聲浩浩雲程難忖量忽造蓬萊

閣棟宇何輝煌紅欄十二曲中有青琳房碧海杳無際珠
閣含清涼瓊姬三五輩俱非時世妝壁題謫仙句墨彩騰
龍光縹緲見金闕玉璫韻琅璫覺來枕席上猶帶雲霞香

無錫門人楊揆編校

靈巖山人詩集卷第四十